

«ԱԶՆԻՎ ԽԱՂ»
ՎԻՃԱԿԱԽԱՂԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ
ԿԱՆՈՆԱԿԱՐԳ /16.05.2018թ. համաձայնեցված
փոփոխություններով/

1. Դիմողի անվանումը, կազմակերպչի անվանումը, գտնվելու և գործունեության իրականացման վայրը.

Դիմողի անվանումը՝ «ԴԻԶԻԳԵՅՍ» Սահմանափակ Պատասխանատվությամբ Ընկերություն:

Իրավաբանական հասցեն և գտնվելու վայրը՝ ք. Երևան, Ամիրյան 26:

Գործունեության իրականացման վայրը՝ ՀՀ

2. Վիճակախաղի ֆիրմային անվանումը /լոգոն/, վիճակախաղի անվանումը.

Վիճակախաղի ֆիրմային անվանումը (լոգոն)՝ «Armenia Lottery», «Արմենիա Լոթերի» «



»:

Վիճակախաղի անվանումը՝ «ԱԶՆԻՎ ԽԱՂ»:

3. Վիճակախաղի տեսակը.

Վիճակախաղն իր տեսակով «Համակցված» վիճակախաղ է:

4. Վիճակախաղի կազմակերպման և անցկացման նկարագիրը.

4.1. Տոմսի՝ ակնթարթային մատով շահումը որոշելու կարգը:

Այս վիճակախաղի ցանկացած տոմսով կարելի է շահել 500 դրամից մինչև 40.000 դրամ:

Շահումը որոշելու համար անհրաժեշտ է տոմսի խաղավանդակի պաշտպանիչ շերտի մաքրումը սկսել աղյուսակի ներքևի՝ 500 դրամ շահման չափ պարունակող տողից: Ընդ որում մասնակիցը պետք է մաքրի տվյալ տողի 2 /երկու/ խաղավանդակներից միայն մեկ խաղավանդակի պաշտպանիչ շերտը: Եթե մաքրված խաղավանդակում առկա է «❀» նշագրումը /որպես շահող տարբերակի սիմվոլ/, ապա մասնակիցը շահում է տվյալ տողի համար նախատեսված շահումը: Այս տողով շահում չունենալու դեպքում մասնակիցը չի կարող շարունակել խաղը (անցնել հաջորդ տողի շահման գուշակմանը): Շահելու դեպքում մասնակիցը կարող է կամ պահանջել շահման գումարը և դադարեցնել խաղը կամ շարունակել խաղը անցնելով հաջորդ տողի շահման գուշակմանը: Հաջորդ տողում ևս շահելու պայմանը նույնն է՝ պետք է մաքրել տվյալ տողի միայն մեկ խաղավանդակի պաշտպանիչ շերտը: Եթե տվյալ խաղավանդակի պաշտպանիչ շերտի տակ առկա է «❀» նշագրումը, ապա մասնակիցը կշահի արդեն այս տողի՝ այն է 800 դրամ շահումը, զրկվելով նախորդ տողի շահումից: Եվ այսպես հաջորդաբար յուրաքանչյուր տողում շահելու դեպքում մասնակիցը կարող է շարունակել խաղը փորձելով շահելու տոմսի առավելագույն շահումը՝ 40.000 դրամ: Յուրաքանչյուր տողում շահելու դեպքում մասնակիցը կարող է դադարեցնել խաղը և պահանջել միայն տվյալ տողի համար նախատեսված շահման գումարը:

Եթե խաղավանդակներից որևէ մեկում հայտնաբերվի TV1-ից TV12 նշագրումներից որևէ մեկը, ապա «ԱԶՆԻՎ ԽԱՂ» վիճակախաղի տոմսին ակնարթային մատով որևէ շահում չի տրվի, սակայն տոմսն իրավունք ձեռք կբերի մասնակցել հեռուստախաղարկությանը:

Եթե վերոգրյալ պայմաններով տոմսն ակնարթային շահում չունի, ապա մասնակիցը պետք է մաքրի աղյուսակի 500-ից մինչև 40.000 դրամ շահման չափ պարունակող տողերի մնացած բոլոր խաղավանդակների պաշտպանիչ շերտերը և եթե որևէ խաղավանդակում առկա է TV1-ից TV12 նշագրումներից որևէ մեկը, ապա մասնակիցը ստանում է հեռուստախաղարկությանը մասնակցելու իրավունք:

Մնացած բոլոր դեպքերում տոմսը համարվում է չշահած:

4.2. Հեռուստախաղարկության մասի կազմակերպման և անցկացման նկարագիրը:

«ԱԶՆԻՎ ԽԱՂ» վիճակախաղի հեռուստախաղարկությունը իրականացվելու է 1-ից 12 թվերով համարակալված խաղաքարերով, որոնք ստուգվում և լցվում են հատուկ չթափանցող պարկի մեջ, որի դատարկ լինելը հավաստում են տվյալ վիճակահանության հանձնաժողովի անդամները: Վիճակահանությունն իրականացնելու համար պարկից հաջորդաբար հանվում է մեկ խաղաքար: Հեռուստախաղարկությունում շահում է այն տոմսը կամ տոմսերը, որում (որոնցում) «TV» գրառման կողքի թիվը համընկնում է պարկից հանված խաղաքարի թվի հետ: Եթե պարկից հանված խաղաքարով շահում չգրանցվի, ապա խաղաքարեր հանելը կշարունակվի այնքան, մինչև վերը նշված պայմանով կգրանցվի շահում: Հեռուստախաղարկության համար կազմակերպիչը կնախատեսի շահումային ֆոնդ, որը հավասարաչափ կբաշխվի վերոհիշյալ կարգով շահած տոմսերի միջև:

5. Վիճակախաղի խաղարկության անցկացման հրապարակման կարգը

«ԱԶՆԻՎ ԽԱՂ» վիճակախաղի հեռուստախաղարկությունը կհեռարձակվի (կհրապարակվի) «Հ2» (Հայկական երկրորդ) հեռուստաալիքի (ք. Երևան, Աջափնյակ Գ-3 թաղ., 3/1 հասցե) ուղիղ եթերով:

6. Վիճակախաղի տոմսի գինը

«ԱԶՆԻՎ ԽԱՂ» վիճակախաղի մեկ տոմսի գինն է 500 (հինգ հարյուր) ՀՀ դրամ:

7. Շահումների բաշխումը ըստ շահումների տեսակների և չափի

Շահումների տեսակը նախատեսվում է գումարային:

Շահումների չափերը սահմանվում են 500 (հինգ հարյուր) ՀՀ դրամից մինչև 200.000 (երկու հարյուր հազար) ՀՀ դրամ:

Ակնթարթային մասի շահումների չափերը արտացոլված կլինեն տոմսի վրա, իսկ հեռուստախաղարկության մասի շահումների չափերը կհայտարարվեն հեռուստախաղարկության ժամանակ:

Կազմակերպիչը կապահովի տվյալ խաղարկության փաստացի իրացված տոմսերի արժեքի նվազագույնը 50% շահումային ֆոնդի բաշխում մասնակիցների միջև:

8. Վիճակախաղի խաղարկությունների անցկացման հաճախականությունը:

«Ազնիվ խաղ» վիճակախաղի խաղարկությունը կանցկացվի տարեկան առավելագույնը երկու անգամ:

Կազմակերպիչը պարտավոր է յուրաքանչյուր խաղարկության տոմսերի թողարկումից առնվազն մեկ օր առաջ, Լիազոր մարմնին տեղեկացնել տվյալ վիճակախաղի խաղարկության համարի, հեռուստախաղարկության անցկացման տարեթվի, ամսվա, օրվա, ժամի մասին, ինչն արտացոլված կլինի նաև տվյալ խաղարկության տոմսերի վրա:

9. Վիճակախաղի խաղարկությունների անցկացման վայրը

«ԱԶՆԻՎ ԽԱՂ» վիճակախաղի խաղարկությունների անցկացման վայրը հեռուստախաղարկության անցկացման համապատասխան հեռուստաալիքի տաղավարի գտնվելու վայրն է՝ «Հ2» (Հայկական երկրորդ) հեռուստաալիք (ք. Երևան, Աջափնյակ Գ-3 թաղ., 3/1 հասցե):

10. Վիճակախաղի տոմսի նկարագիրը

«Ազնիվ խաղ» վիճակախաղի տոմսի վրա առկա է հոլոգրաֆիկ ծածկույթով խաղադաշտ՝ աղյուսակի տեսքով:

Աղյուսակը բաղկացած է 9 տողերից, որոնք պատված են պաշտպանիչ շերտով: Աղյուսակի ներքնից վերև 1-8 տողերը բաղկացած են երկու խաղավանդակներից: Աղյուսակի 1-8 տողերից յուրաքանչյուրի դիմաց նշված է տվյալ տողի համար նախատեսված շահման չափը դրամային արտահայտությամբ՝ հետևյալ գրառումներով՝ «500», «800», «1.500», «3.000», «5.000», «10.000», «20.000», «40.000»: Աղյուսակի 500-ից մինչև 40000 գրառումը պարունակող տողերի պաշտպանիչ շերտով պատված յուրաքանչյուր խաղավանդակում առկա է մեկ հատ «❶» սիմվոլը (որպես շահող տարբերակ) կամ մեկ հատ «O» սիմվոլ (որպես չշահող տարբերակ) կամ TV1-ից TV12 նշագրումներից որևէ մեկը: Ընդ որում տողի խաղավանդակներից մեկը պարտադիր պարունակում է մեկ հատ «❷» սիմվոլը (որպես շահող տարբերակ):

Աղյուսակի իններորդ տողում առկա է «ՉՋՆՋԵԼ» նշագրումով 1 խաղավանդակ, որի պաշտպանիչ շերտի տակ նշված են տոմսի սերիան և համարը:

Տոմսը կպարունակի նաև «Վիճակախաղերի մասին» ՀՀ օրենքով սահմանված պարտադիր այլ պայմաններ:

Տոմսի արտաքին տեսքը որոշում է կազմակերպիչն իր հայեցողությամբ: Տոմսի վրա առկա՝ օրենքով անհրաժեշտ նշումները, համարվում են կանոնակարգի անբաժանելի մաս:

11. Շահումները տալու վայրը, ժամկետը

Ակնթարթային մասի շահումները կտրվեն մինչև հեռուստախաղարկության մասի շահումների վճարման վերջին օրը ներառյալ:

Հեռուստախաղարկության մասի շահումները կտրվեն հեռուստախաղարկության կայացման հաջորդ օրվանից սկսած՝ 30 օրվա ընթացքում:

Շահումները կտրվեն ընկերության գրասենյակից՝ ք. Երևան, Ամիրյան 26 հասցեից, իսկ մանր (մինչև 20000 ՀՀ դրամ) շահումները՝ նաև տոմսերի իրացման կետերից:

12. Տոմսը ենթակա չէ վճարման, եթե՝

ա. Տոմսն էականորեն վնասված է: Վնասվածքը համարվում է էական, եթե բացակայում է տոմսի որևէ հատված (այսինքն՝ տոմսն ամբողջական չէ):

բ. Խախտված է տոմսի խաղադաշտի պաշտպանիչ շերտի ամբողջականությունը

գ. Կազմակերպչի կողմից կատարված ուսումնասիրությունների արդյունքում պարզվել է, որ խախտված է տոմսի՝ շահելու պատահականության սկզբունքը, այսինքն՝ տոմսի շահման սիվոլների բացահայտումը կատարվել է ֆիզիկա-քիմիական մեթոդների կամ տեխնիկական միջոցների կիրառմամբ կամ ներկայացված տոմսը կեղծված է (առաջացնում է պատասխանատվություն ՀՀ օրենսդրությամբ):

դ. Ներկայացված տոմսում «Չջնջել» նշագրումով դաշտը մաքրված է:

ե. Ներկայացված տոմսի ցանկացած տողում առկա է մեկից ավել մաքրված խաղավանդակ (բացառությամբ հեռուստախաղարկությանը մասնակցության իրավունք ձեռք բերած տոմսերի) կամ տոմսի վրայի չմաքրված խաղավանդակների պաշտպանիչ շերտերը վնասված են (քերված, մաշված և այլն) դրանց տակ նշագրված սիմվոլների կամ թվերի մասերը տեսանելի կամ ճանաչելի դարձնելու աստիճանի:

զ. Տոմսի մաքրված խաղավանդակների տողերը անմիջապես չեն հաջորդում իրար (ներքնից վերև) սկսած առաջին (500 դրամ շահման չափ պարունակող) տողից:

13. Վիճակախաղի կազմակերպչի իրավունքներն ու պարտականությունները.

13.1. Վիճակախաղի կազմակերպչի իրավունքները՝

1. Տոմսը ենթարկել փորձաքննության:

2. Շահող մասնակցից պահանջել ներկայացնելու անձնագիր կամ անձը հաստատող օրենքով նախատեսված այլ փաստաթուղթ:

3. Չբավարարել շահումների վճարման ժամկետից (կանոնակարգի կետ 11) ուշ ներկայացված շահումը ստանալու պահանջը:

4. Չվճարել վճարման ոչ ենթական տոմսը:

5. Հիմք չընդունել առանց կազմակերպչի մասնակցության անցկացված փորձաքննության եզրակացությունը:

13.2 Վիճակախաղի կազմակերպչի պարտականությունները՝

1. Վիճակախաղի տոմսի վրա նշված ժամկետում կազմակերպել և անցկացնել վիճակախաղի խաղարկությունը (ֆորս մաժորային՝ կազմակերպչից անկախ իրավիճակներում, խաղի տեղափոխման մասին ողջամիտ ժամկետում հայտնել մասնակիցներին, Լիազոր մարմին),

2. Շահողի ցանկությամբ պահպանել նրա շահման փաստի և չափի (արժեքի) գաղտնիությունը՝ բացի օրենքով նախատեսված դեպքերի:

3. Տվյալ խաղարկության հեռուստախաղարկության կայացումից առնվազն 4 ժամ առաջ ինչ-ինչ պատճառներով մասնակցի կողմից գնված տոմսը (տոմսերը) «ԴԻՋԻԳԵՅՄ» ՍՊԸ-ին հետ վերադարձնելու դեպքում, ընդունել վերադարձը՝ փոխհատուցելով վերադարձվող տոմսի (տոմսերի) գինը, եթե տոմսի արտաքին տեսքը ենթարկված չէ որևէ փոփոխության (այդ թվում՝ անվնաս է տոմսի բոլոր դաշտերի պաշտպանիչ շերտը), տոմսը պատռված կամ որևէ այլ կերպ վնասված չէ:

4. Փոխհատուցել մասնակցին սույն կանոնակարգի պայմաններին չբավարարող՝ տպագրական խոտանի հետևանք հանդիսացող տոմսի գինը:

5. Տոմսը փորձաքննության համար վերցնելու դեպքում՝ մասնակցին տրամադրել տեղեկանք (արձանագրություն) այդ մասին:

6. Վիճակախաղի կազմակերպչի պարտավորությունները մասնակցի նկատմամբ դադարում են հետևյալ հիմքերից յուրաքանչյուրի դեպքում.

ա. կազմակերպիչը շահող մասնակցին վճարել է տոմսի շահումը,

բ. տոմսը շահում չունի,

գ. տոմսը վճարման ենթակա չէ,

դ. սույն կանոնակարգով նախատեսված կարգով մասնակցին փոխհատուցվել է տոմսի գինը:

7. Խաղը կազմակերպել և անցկացնել սույն կանոնակարգին համապատասխան:

14. Վիճակախաղի մասնակիցների իրավունքներն ու պարտականությունները.

14.1. Վիճակախաղի մասնակիցների իրավունքները.

1. Շահումները ստանալ ք. Երևան, Ամիրյան 26 հասցեից, իսկ մանր (մինչև 20000 ՀՀ դրամ) շահումները՝ նաև տոմսերի իրացման կետերից:

2. Պահանջել պահպանել իր շահման փաստի և չափի (արժեքի) գաղտնիությունը՝ բացի օրենքով նախատեսված դեպքերից:

3. Տվյալ խաղարկության հեռուստախաղարկության կայացումից առնվազն 4 ժամ առաջ «ԴԻՋԻԳԵՅՄ» ՍՊԸ-ին հետ վերադարձնել գնված տոմսը (տոմսերը) և ստանալ վերադարձվող տոմսի (տոմսերի) գինը, եթե տոմսի արտաքին տեսքը ենթարկված չէ որևէ փոփոխության (այդ թվում՝ անվնաս է տոմսի բոլոր դաշտերի պաշտպանիչ շերտը), տոմսը պատռված կամ որևէ այլ կերպ վնասված չէ:

4. Կազմակերպչից պահանջել տոմսը փորձաքննության հանձնելու վերաբերյալ տեղեկանք (արձանագրություն):

5. Պահանջել փոխհատուցում սույն կանոնակարգի պայմաններին չբավարարող, տպագրական խոտանի հետևանք հանդիսացող տոմսի գնի չափով:

14.2 Վիճակախաղի մասնակիցների պարտականությունները.

1. Նախքան վիճակախաղի տոմսի ձեռք բերումը ստուգել տոմսի արտաքին տեսքը (տոմսը վճարման ոչ ենթակա դարձնող հայտանիշների բացակայության հանգամանքը): Տոմսի ձեռքբերումից հետո տոմսի՝ վճարման ոչ ենթակա դարձնող հայտանիշների առկայության համար պատասխանատվությունը կրում է մասնակիցը:

2. Շահումը ստանալու համար ներկայացնել տոմսը բարվոք վիճակում (առանց սույն կանոնակարգով սահմանված՝ տոմսը վճարման ոչ ենթակա դարձնող հայտանիշների), իսկ անհրաժեշտության դեպքում՝ ներկայացնել նաև անձնագիր կամ անձը հաստատող օրենքով նախատեսված այլ փաստաթուղթ:

3. Շահումների վճարման պահանջով դիմել՝

1) ակնթարթային մասով շահելիս՝ մինչև հեռուստախաղարկության մասի շահումների վճարման վերջին օրը ներառյալ,

2) հեռուստախաղարկությունում շահելիս՝ հեռուստախաղարկության կայացման հաջորդ օրվանից սկսած՝ 30 օրվա ընթացքում:

4. Փորձաքննություն անցկացնելու անհրաժեշտության դեպքում տոմսը հանձնել կազմակերպչին:

5. Ենթարկվել վիճակախաղի կազմակերպման և անցկացման սույն կանոնակարգի կանոններին:

6. Ապահովել կազմակերպչի մասնակցությունը տոմսը վճարման ոչ ենթակա դարձնող հայտանիշների պարզման մասնակցի նախաձեռնությամբ իրականացվող փորձաքննությանը:

Շահումը որոշելու կարգը, շահումների վճարման վայրը, կարգը և ժամկետը

1. Ակնթարթային մասի կազմակերպման և անցկացման նկարագիրը:

Այս վիճակախաղի ցանկացած տոմսով կարելի է շահել 500 դրամից մինչև 40.000 դրամ:

Շահումը որոշելու համար անհրաժեշտ է տոմսի խաղավանդակի պաշտպանիչ շերտի մաքրումը սկսել աղյուսակի ներքևի՝ 500 դրամ շահման չափ պարունակող տողից: Ընդ որում մասնակիցը պետք է մաքրի տվյալ տողի 2 /երկու/ խաղավանդակներից միայն մեկ խաղավանդակի պաշտպանիչ շերտը: Եթե մաքրված խաղավանդակում առկա է «❖» նշագրումը /որպես շահող տարբերակի սիմվոլ/, ապա մասնակիցը շահում է տվյալ տողի համար նախատեսված շահումը: Այս տողով շահում չունենալու դեպքում մասնակիցը չի կարող շարունակել խաղը (անցնել հաջորդ տողի շահման գուշակմանը): Շահելու դեպքում մասնակիցը կարող է կամ պահանջել շահման գումարը և դադարեցնել խաղը կամ շարունակել խաղը անցնելով հաջորդ տողի շահման գուշակմանը: Հաջորդ տողում ևս շահելու պայմանը նույնն է՝ պետք է մաքրել տվյալ տողի միայն մեկ խաղավանդակի պաշտպանիչ շերտը: Եթե տվյալ խաղավանդակի պաշտպանիչ շերտի տակ առկա է «❖» նշագրումը, ապա մասնակիցը կշահի արդեն այս տողի՝ այն է 800 դրամ շահումը, գրվելով նախորդ տողի շահումից: Եվ այսպես հաջորդաբար յուրաքանչյուր տողում շահելու դեպքում մասնակիցը կարող է շարունակել խաղը փորձելով շահելու տոմսի առավելագույն շահումը՝ 40.000 դրամ: Յուրաքանչյուր տողում շահելու դեպքում մասնակիցը կարող է դադարեցնել խաղը և պահանջել միայն տվյալ տողի համար նախատեսված շահման գումարը:

Եթե խաղավանդակներից որևէ մեկում հայտնաբերվի TV1-ից TV12 նշագրումներից որևէ մեկը, ապա «ԱԶՆԻՎ ԽԱՂ» վիճակախաղի տոմսին ակնարթային մասով որևէ շահում չի տրվի, սակայն տոմսն իրավունք ձեռք կբերի մասնակցել հեռուստախաղարկությանը:

Եթե վերոգրյալ պայմաններով տոմսն ակնթարթային շահում չունի, ապա մասնակիցը պետք է մաքրի աղյուսակի 500-ից մինչև 40.000 դրամ շահման չափ պարունակող տողերի մնացած բոլոր խաղավանդակների պաշտպանիչ շերտերը և եթե որևէ խաղավանդակում առկա է TV1-ից TV12 նշագրումներից որևէ մեկը, ապա մասնակիցը ստանում է հեռուստախաղարկությանը մասնակցելու իրավունք:

Մնացած բոլոր դեպքերում տոմսը համարվում է չշահած:

Շահումների տեսակը նախատեսվում է գումարային:

2. Հեռուստախաղարկության մասի կազմակերպման և անցկացման նկարագիրը

«ԱԶՆԻՎ ԽԱՂ» վիճակախաղի հեռուստախաղարկությունը իրականացվելու է 1-ից 12 թվերով համարակալված խաղաքարերով, որոնք ստուգվում և լցվում են հատուկ չթափանցող պարկի մեջ, որի դատարկ լինելը հավաստում են տվյալ վիճակահանության հանձնաժողովի անդամները: Վիճակահանությունն իրականացնելու համար պարկից հաջորդաբար հանվում է մեկ խաղաքար: Հեռուստախաղարկությունում շահում է այն տոմսը կամ տոմսերը, որում (որոնցում) «TV» գրառման կողքի թիվը համընկնում է պարկից հանված խաղաքարի թվի հետ: Եթե պարկից հանված խաղաքարով շահում չգրանցվի, ապա խաղաքարեր հանելը կշարունակվի այնքան, մինչև վերը նշված պայմանով կգրանցվի շահում: Հեռուստախաղարկության համար կազմակերպիչը կնախատեսի շահումային ֆոնդ, որը հավասարաչափ կբաշխվի վերոհիշյալ կարգով շահած տոմսերի միջև:

«ԱԶՆԻՎ ԽԱՂ» վիճակախաղի խաղարկությունը կանցկացվի տարեկան առավելագույնը երկու անգամ:

3. ՈՒՇԱԴՐՈՒԹՅՈՒՆ

Տոմսը ենթակա չէ վճարման, եթե՝

ա. Տոմսն էականորեն վնասված է: Վնասվածքը համարվում է էական, եթե բացակայում է տոմսի որևէ հատված (այսինքն՝ տոմսն ամբողջական չէ):

բ. Խախտված է տոմսի խաղաղաշտի պաշտպանիչ շերտի ամբողջականությունը

գ. Կազմակերպիչի կողմից կատարված ուսումնասիրությունների արդյունքում պարզվել է, որ խախտված է տոմսի՝ շահելու պատահականության սկզբունքը, այսինքն՝ տոմսի շահման սիմվոլների բացահայտումը կատարվել է ֆիզիկա-քիմիական մեթոդների կամ տեխնիկական միջոցների կիրառմամբ կամ ներկայացված տոմսը կեղծված է (առաջացնում է պատասխանատվություն ՀՀ օրենսդրությամբ):

դ. Ներկայացված տոմսում «Զննել» նշագրումով դաշտը մաքրված է:

ե. Ներկայացված տոմսի ցանկացած տողում առկա է մեկից ավել մաքրված խաղավանդակ (բացառությամբ հեռուստախաղարկությանը մասնակցության իրավունք ձեռք բերած տոմսերի) կամ տոմսի վրայի չմաքրված խաղավանդակների պաշտպանիչ շերտերը վնասված են (քերված, մաշված և այլն) դրանց տակ նշագրված սիմվոլների կամ թվերի մասերը տեսանելի կամ ճանաչելի դարձնելու աստիճանի:

զ. Տոմսի մաքրված խաղավանդակների տողերը անմիջապես չեն հաջորդում իրար (ներքևից վերև) սկսած առաջին (500 դրամ շահման չափ պարունակող) տողից:

4. Ակնթարթային մասի շահումները կտրվեն մինչև հեռուստախաղարկության մասի շահումների վճարման վերջին օրը ներառյալ:

Հեռուստախաղարկության մասի շահումները կտրվեն հեռուստախաղարկության կայացման հաջորդ օրվանից սկսած՝ 30 օրվա ընթացքում:

Շահումները կտրվեն ընկերության գրասենյակից՝ ք. Երևան, Ամիրյան 26 հասցեից, իսկ մանր (մինչև 20000 ՀՀ դրամ) շահումները՝ նաև տոմսերի իրացման կետերից:

Անհրաժեշտության դեպքում շահող մասնակիցը պարտավոր է ներկայացնել անձնագիր կամ անձը հաստատող օրենքով նախատեսված այլ փաստաթուղթ:

5. Տոմսում չներառված մնացած պայմանները կարգավորվում են «ԱԶՆԻՎ ԽԱՂ» վիճակախաղի կազմակերպման և անցկացման կանոնակարգով՝ համաձայնեցված ՀՀ Ֆինանսների նախարարության հետ:

«ԱԶՆԻՎ ԽԱՂ» N 2 վիճակախաղի հեռուստախաղարկությունը կկայանա «Հ2» (Հայկական երկրորդ) (ք. Երևան, Աջափնյակ Գ-3 թաղ., 3/1 հասցե) հեռուստաալիքի ուղիղ եթերով « » _____ 2018թ. ժամը _____-ին: Գինը՝ 500 ՀՀ դրամ:



Վիճակախաղի կազմակերպիչ՝ «ԴԻԶԻԳԵՅՄ» Սահմանափակ Պատասխանատվությամբ Ընկերություն:
«Armenia Lottery»
«Արմենիա Լոթերի»